

年干喜月支有祿

如甲己年干喜月支見辰戌丑未乙庚年干喜月支見申酉丙辛年干喜月支見寅卯戊癸年干喜月支見巳午得之者必富貴如破壞則二十九歲以前名利難發年月主管卅年也

年支喜干上有合

如年支子丑喜四柱干上見戊子丑中有癸可合戊干也年支寅亥喜柱干見己寅亥中有甲可合己干也年支卯辰喜柱干見庚卯辰中有乙可合柱干庚也年支寅巳喜柱干見辛寅巳有丙可合辛干也年支午未喜柱干見壬午未中有丁可合壬干也年支申巳喜柱干見乙申巳有庚可合乙干也年支酉戌喜柱干見丙酉戌中有辛可合丙干也年支申亥喜丁申亥中有壬可合丁干也凡破壞者中年以後福不如前

年干秀氣坐祿

如癸年生人月上見子甲年生人月上見寅之類不貴即富此卽消息賦所謂生月坐祿入仕馳赫奕之名

年支忌天元相克

如子丑年生人忌見乙寅年生人忌見庚卯年生人忌見辛之類如有補救仍無大損

年支宜忌

古法重年支名爲地元又名爲命宮不獨年干爲重也如丑未年生人月日時見甲戌庚之類此見貴人也如寅年生人月日時見甲此見祿也謂之福會如年干年支見合甲己合爲干合卯戌合爲支合或一官一印及一貴人一本家祿三兩位貴人見合者爲大貴之格若一位上見災煞即申子辰年生人見午亥卯未年生人

見。巳酉丑年生人見卯。寅午戌年生人見辰。亥卯未年生人見丑。巳酉丑年生人見子。名爲貪煞。地煞。即申子辰年生人見戌。亥卯未年生人見丑。巳酉丑年生人見辰。名爲地煞。亡神劫殺。

兼主兵權。若胎月日時上見本庫貴人。天干與地支相合。或貴人合本家祿正官正印者。亦大貴格。四忌主貧賤。亦分輕重。死敗絕爲重。病爲輕。如寅午戌火。丙丁年生人見之爲貴。若陽祿見旺。陰祿見官。其福減半。若見帝旺不見祿。又克本命。再帶刑煞。如丙寅年生人見戊午日時。卽不爲利。

古法重旬

凡夾拱俱在旬內得之。卽爲貴格。蓋五行六氣貴流通。又貴聯絡。旬中則得之矣。歌云。貴人祿馬在旬中。不見空亡不見衝。自旺自生兼帶合。魚游浪裏變成龍。年月日時同一旬。有如兄弟一家人。若兼祿馬同旬內。鶴立雞羣富貴身。一般六合少人知。自古神仙不泄機。祿馬貴人旬內合。合中添福更何疑。卜筮所以重空亡也。

古法重朝元

何謂朝元。年支月支見柱中之干是也。所謂柱者。月日時是也。命中年月日時爲四柱。合胎元計之爲五柱。見柱中之

干得氣旺相。卽爲貴格。今子平家專重日干。陋矣。古法所以重四柱交互也。

空亡

凡凶神宜坐空亡。吉神忌坐空亡。古法重旬。故重空亡。金火水命喜空。木土

命忌空。

空亡遇冲必發。

空亡一合卽不空。

空亡宜坐生旺之地。凡空亡忌咸池六害並見。若並見多凶暴而死。

德秀

寅午戌月。丙丁爲德。戊癸爲秀。申子辰月。戊己壬癸爲德。此即水土同宮。古法也。若火土同宮之說非也。

丙辛甲己爲秀。巳酉丑月。庚辛爲德。乙庚爲秀。亥卯未月。甲乙爲德。丁壬爲秀。得之者賦性聰明。若遇財官主貴。衝克減力。蓋德者本月生旺之地。秀者得中和之氣也。

納音

海中金	爐中火	大林木	路旁土	劍鋒金
甲子 乙丑 山 野 火	丙寅 丁卯 洞 下 水	戊辰 己巳 城 頭 土	庚午 辛未 白 蠟 金	壬申 癸酉 楊 柳 木
甲戌 乙亥 井 泉 水	丙子 丁丑 屋 上 土	戊寅 己卯 霹 靂 火	庚辰 辛巳 松 柏 木	壬辰 癸未 長 流 水
甲申 乙酉 沙 中 金	丙戌 丁亥 山 下 火	戊子 己丑 平 地 土	庚寅 辛卯 壁 上 土	壬辰 癸巳 金 箔 金
甲午 乙未 覆 燈 火	丙申 丁酉 天 河 水	戊戌 己亥 大 島 土	庚子 辛丑 釵 釧 金	壬寅 癸卯 桑 柘 木
甲辰 乙巳 大 溪 水	丙午 丁未 沙 中 土	戊戌 己酉 天 上 火	庚戌 辛亥 石 榴 木	壬子 癸丑 大 海 水
甲寅 乙卯	丙辰 丁巳	戊午 己未	庚申 辛酉	壬戌 癸亥

天干同而地支衝者納音必同

沈存中夢溪筆談云。一律含五音。十二律納六十音也。凡氣始於東方而右行。音起于西方而左行。氣始於東方者。四時始於木。右行傳于火。火傳於土。土傳于金。金傳於水。音始於西方者。五音始於金。左旋傳於火。火傳於木。木傳於水。水傳於土。納音之法同類。五行先仲而後孟。孟而後季。季即辰戌丑未也。此遁甲三元之紀也。甲子金之仲。隔八下生壬申金之孟。隔八生庚辰金之季。庚辰隔八下生戊子火之仲。戊子生丙申火之孟。丙申生甲辰火之季。甲辰生壬子木之仲。如是左行。至於丁巳。五音一終。復自申午金之仲。隔八生壬寅。一如甲子之例。終於癸亥。自子至於巳爲陽。故自黃鐘至於中呂皆下生。自午至於亥爲陰。故自林鐘至於應鐘皆上生。按清代朱一新先生云。納甲本於納音。爻辰本於九宮。九宮納音之法。今太乙壬遁星卜堪輿

時日小數。無不用之。旨哉言乎。先天本於納甲。納甲本於納音。宋儒固明言之。其傳自道家。宋儒亦並未諱言之也。若海中爐中諸名目。殆宋末術家倡之歟。

妙吉祥

止居士著

星命扶古錄二集

一山章授署

受業沈鴻昭
洪承序覆校

止二居印行

男振
華祺校字
韶銘

序

昔之偉人其功足以福一世而一身非所計今之偉人其
心祇知福一身而一世無不受其禍卒之見爲福一身者
未幾而禍卽隨之無他殺機開殺氣烈不必咎今之偉人
也榆孫常言曰咸同時時如曾文正左文襄其命爲丙辛
胡文忠其命爲丁壬李文忠其命爲甲巳今之偉人乙庚
居多數乙庚爲金方白虎有殺氣卽此可覘世運矣其所
著星命証古錄皆今之偉人證古法以評之又有挾古錄
初集爲入門而作二集挾古法以闡今法末卷附前清一
代之偉人今之偉人亦間有數家以殿之其意以爲世運

既如此正人心者即可於舉世皆醉之時大可存一獨醒之志福一身何如福一世一身之福云乎哉猶憶前年甲子秋吳越戰事起人有叩以孰勝孰負者榆孫答云吳越俱敗而自閩來者勝旋蔓延於榆關又有叩以孰勝孰負者又答云奉勝而直敗當時人皆疑之後卒如其言其言蓋用古法古法重年干也榆孫又言曰近年偉人有婚媾而寇者有寇而婚媾者婚媾不足恃更何有一世之入其心哉痛哉言乎

民國丙寅七月

姚江張栩序

祿馬並見爲貴格

所謂祿者甲乙見寅丙丁見巳戊己壬癸見亥庚辛見申皆在寅申巳亥此卽旺地也其實甲乙見甲爲天干之祿丙丁見丙戊己見戊壬癸見壬庚辛見庚亦卽祿也但有祿無馬如玉之未施雕琢木之未經斷削不能成器也例如甲乙見寅祿或見甲祿寅午戌馬在申甲乙見甲或又見申或見庚卽爲祿馬並見則成器矣此與刃殺並見之義相同蓋不旺則雕琢斷削反損其質也知此則兩甲或兩乙見一庚其一甲卽爲祿庚卽爲馬兩丙與兩丁見一壬其一丙卽爲祿壬卽爲馬兩壬兩癸見一丙其一壬卽爲祿丙卽爲馬兩庚兩辛見一甲其一庚卽爲祿甲卽爲馬是亦祿馬並見也然而知之者少矣不知此義專於地支求祿馬而天干之有祿馬者反置諸無用之列是沈珠於淵矣

古法重祿馬。子平以財官爲祿馬。不但失於矯誣。直失於荒陋也。

消息賦注云。假令庚午人得壬辰日丁未時。運見戊申。緣庚祿午馬。同在申上。又如甲申人丁丑月己亥日丙寅時。其生時寅爲甲祿。申爲馬。故應晚年有非常之遇。

刃殺並見爲貴格

刃卽帝旺。淮南子謂甲乙生於亥。壯于寅。老於戌。壯卽今之所謂帝旺。壯字極精切。此古人文字之不苟處。不見殺則嫌太過。殺卽偏官。不見刃則嫌太弱。五行太過不及。均在可忌之列。並見則成爲中和。故可貴也。但近時學子平者。祇知地支有刃。而不知天干亦有刃也。如甲見乙。乙卽爲刃。丙見丁。丁卽爲刃。是爲刦財。如乙見甲。雖刦財而不得名之爲刃。蓋乙之化氣爲金。甲之化氣爲土。甲能生乙。卽土能生金也。天干有刃。則應見殺以救之。至如天

干有殺。則應見刃以救之。故天干如年上爲甲。則月日時中應見乙庚。否則地支中有申己。亦可代庚。卯未亦可代乙也。並見則當推爲貴格。

化氣喜忌表

甲己	喜戊癸	忌丁壬
乙庚	喜甲巳	忌戊癸
丙辛	喜乙庚	忌甲巳
丁壬	喜丙辛	忌乙庚
戊癸	喜丁壬	忌丙辛

如甲喜戊癸。巳亦喜戊癸也。甲忌丁壬。己亦忌丁壬也。甲見丁爲傷官。見壬爲梟神。已見丁爲梟神。見壬爲正財。故俱忌。

比肩三種應分優劣。姑舉甲乙爲例。餘可類推。

一甲見甲。此猶甲見寅爲祿也。地支有驛馬。更爲佳勝。且兩甲並見。地支必有所拱。如所拱爲貴人天月德祿馬。卽爲貴格。

一甲見乙。猶甲見卯之爲刃也。甲之化氣爲土。乙之化氣爲金。化氣忌洩。土

生金。卽洩氣。故刃在不取之列。但有殺則反爲可取。若見有祿名護祿刃。亦不爲忌。

一乙見甲。此猶印綬也。乙之化爲金。甲之化氣爲土。土能生金。卽是生我矣。生我則卽與印綬相等。自子平之學說行。比肩均在不取之列。其取者不過身弱宜比肩耳。嗟乎。簡而且陋。相沿已非一日。此直命學之厄也。

一凡兩甲見庚。不爲衝。作雙包論。反爲可取。兩乙見辛。兩丙見壬。兩丁見癸。兩戊見甲。兩己見乙。均類推。

天月德有在地支者。是宜注意。

天德卽正月丁。二月未申（未申卽坤也）。三月壬。四月辛。五月戌亥（戌亥卽乾也）。六月甲。七月癸。八月艮（丑寅卽艮也）。九月丙。十月乙。十一月巽。卽辰己也。十二月庚。其干支錯雜相見者。若見於地支。亦得舉隅以推之。

若正月德在丁。不見丁而見午。午亦天德也。三月德在壬。不見壬而見亥。亥亦天德也。餘類推。不詳述。

月德如申子辰月在壬。亥卯未月在甲。寅午戌月在丙。己酉丑月在庚。若申子辰月。不見壬而見亥。亥亦月德。亥中有壬水也。寅午戌月。不見德而見寅。寅亦月德。寅中有丙火也。餘類推。不詳述。

凡見天月德。則亡神劫殺。不忌見矣。

凡見天月德。又見貴人。其力更厚。

凡見天月德。又見祿馬。其力更厚。

凡女命見天月德。夫榮子貴。百不一失。

正官多見。宜見傷官。干上傷官喜見合。

正官一位。最忌傷官。正官多見。不妨見傷官以補救之矣。如甲見丁爲傷官。

丁之化氣爲木。甲之化氣爲土。土受尅矣。尅字應作克。（三國志尅皆作克。俗作尅。不合於古。）如正官爲辛。辛多則甲之力必弱。見丁則可以克辛。若不分多寡。而混言傷官之不利正官。是拘墟之見也。凡干上見傷官。見合反爲可取。如甲年生人見丁爲傷官。又見壬。則爲丁壬合。不宜作傷官看。反爲富貴。此則子平家尙不知也。

凡多見財不妨見偏印

偏印卽梟神。凡有財者忌見之。爲其壞財也。若財不止一位。或三位。或四位。則不妨見偏印矣。如甲見戊己爲正偏財。見壬爲偏印。戊己若多。則壬爲戊己所克。無能爲害。反有既濟之功。

年支忌刑。而衝則次之。

今子平家看沐浴看驛馬。皆重年支。他則非所知矣。年支忌刑。如辰年生人。

行辰運。大不利。辰見辰爲自刑。申年生人。忌行亥運。甚則死矣。他可類推。刑甚於冲。克誠不虛也。

年支爲命宮古法極重視之

年支古法定爲命宮。從局論之。例如申年支。辰年支。古法作水論。不獨子作水論。三命通會偏正財合論。有類財煞一條。其言曰。寅午戌人見乙庚。申子辰人見戊癸。巳酉丑人見丁壬。一名幽微煞。主名利並行。又曰。如申子全。子爲命屬水。水尅火。故火爲身財。火墓在戌。是爲命財庫也。專重年支。古法如驛馬沐浴亡神刼殺。皆由成局定之。例如申年支不作金論。辰年支不作土論。此則可以信從。百試百驗。無一失者。

消息賦注云。如甲子人得亥年。爲木祿之一歸。甲子金命。甲爲祿。故亥爲木祿。見申月。是水命

二歸。子爲水。水長生。故云水命。巳運是身金之三歸。甲子納音金。納音即爲身。巳爲金之長生。皆指三元本音長生

之位。

三命通會雜煞類有天刑煞。如子丑年生人見乙時。寅年生人見庚時。卯辰年生人見辛時。巳年如人見壬時。午未年生人見癸時。申年生人見丙時。酉戌年生人見丁時。亥年生人見戊時是也。此時干克生年支也。有納粟印。如癸巳生人柱中多水。俱屬干長。則癸巳受煞。以巳爲命。巳火見水多。則本命受克爲病。本庫。古法名爲正印。

貴人祿馬天月德宜合不宜衝論

凡吉星宜合。如貴人也。祿也馬也。天德也。月德也。一合則其力更厚。冲則受損。甚且無用矣。凶煞宜冲。惟陽刃仍宜合。蓋刃嫌太旺。初非凶煞可比。故忌冲耳。三命通會均詳言之。

凡貴人俱不在旺地。多見則其人必巽懦。不在旺地故也。一見天月德。則其氣厚。一見祿亦然。若見馬則反激有力。皆爲可取。合則其力加倍矣。故必大

貴。

正官食神正偏財宜合。

三命通會論正官云。術者以甲見辛爲官。不知真五行納音爲真官。如寅年生人納音木。得己亥。甲巳爲真土。是納音見真五行尅也。若不見太歲本于尅。但于日時上見乙庚亦是。若止見庚。謂之偏官。比之全者減力。又不見乙庚。止見乙巳乙丑乙酉。餘位中多見申。申卽是庚。亦可作乙庚論。不見申。止得三五分力。餘仿此。又如己酉巳卯。納音土。見丁壬。壬子壬午。納音木。見乙庚。雖納音見真五行尅爲官。奈本干同受尅。故不作真官。而作真鬼斷之。可見官星之宜合也。又云。有真官鄉。取命前三辰。月干與命干合。如丙子生人二月生。其命前三辰是辛卯。丙與辛合。君子遇之。職居近侍。小人遇之。亦主富豪。更可見官星之宜合也。又有真官催官。其言曰。如己丑得甲寅。辛丑

得丙寅。命前一辰之類。爲眞官。不貴卽富。如庚辰見乙卯。戊子見癸丑。自下而上。名催官之類。主功名發越。此官之宜合也。化五行。卽三命通會論正偏才。有類財煞。寅午戌人見乙庚。己酉丑人見丁壬。申子辰人見戊癸。亥卯未人見甲巳是也。又云。甲巳見丙辛。丙辛見戊癸。爲眞財。主富盛。又納音本于見眞五行。如乙亥人。月日時中見庚。乙亥納音火。乙庚眞金。千頭自見財也。名天財。主富足安逸。若納音反制尅干頭。如丁卯火。却能制乙庚金。此名鬼財。主一生得世財。或爲豪猾起家。

三命通會論食神帶合。謂甲人見丙有辛合。巳人見辛有丙合。乙人見甲巳。庚人見丁壬。丙人見戊癸之例。主爲官有權印。此食神之宜合也。若正印得偏財。卽合也。如甲見癸爲正印。見戊爲偏財。非合而何。合更貴。三命通會采取古法甚多。其論正偏財云。乙亥人月日時中見庚。乙庚眞金。

名天財。若通例。乙見庚。庚爲正官。此名天財。何也。蓋古法重化氣。正官與正財。不甚分也。名爲官。名爲財。皆化氣之代名詞。觀此可知矣。按類財煞一條。余歷試之皆驗。可見年支之宜重。等于年干。若專重日干。誠不足與語此也。

官殺重化氣納音

三命通會論偏官云。凡命鬼多而主本却在有氣之地。其鬼化官。旺氣逢鬼。鬼化官。衰氣逢官。官化鬼。如丁於眞五行屬木。凡丁人見乙與庚爲鬼。若丁亥丁卯丁未人見之。不爲鬼。若亥卯未全。見三丁尤好。蓋亥卯未。木之正位。而又得三丁。木之氣旺。全要有庚金尅制之。又如丁巳丁酉丁丑人。生居己酉丑。金之正位。木弱金強。更見乙庚眞金。卽以鬼論。又如六丁皆眞木。而見乙酉乙亥乙。眞金也。却不爲鬼。而反爲官。緣丁貴在西亥故也。壬寅壬申見乙庚多。皆不爲鬼。取其與納音相比和故也。辛酉辛丑見甲巳。巳己亥見

丁壬乙己亥見戊癸皆仿此。此條極精細入理。學者須珍視之。

又云如甲戌納音火見丙辛化水爲真官。若得丙申辛酉或辛未辛丑皆好。若見辛卯係甲之刃變官爲鬼則爲右職或胥吏之屬。如壬申人納音爲成器之金見火則壞故壬申人見戊癸乃變官爲鬼又壬屬木木至申而絕木絕見火則灰飛煙滅此爲尤凶。若癸酉雖亦同爲成器之金然本干帶癸之官故不爲鬼見戊尤好。此條更精細。學者更珍宜視。

以上諸說皆古法之精華。今之子平家實未嘗夢見也。余初從子平學說凡遇大富貴之命試之輒窮幾疑星命之不可憑。丙辰年到京後看四庫全書命學諸書窮日夜之力而研究之始知化氣納音爲星學之最重要。取古法以試之百不失一。若財官印爲化氣之代名詞不從化氣而談命是數典而忘其祖。納音通于歷學更爲星命之驪珠。星學不過歷學之一端而已。

納音定壽終之期

三命通會云金人沐浴火木胎土死水墓四季推納音金命生人沐浴在午。

如甲子年生人即爲金命此重年也火命生人胎在子。如丙寅年生人即爲火命此重年也木命生人胎在酉。如戊辰年生人即爲木命此重年也土命生人死在卯。如庚午年生人即爲土命此重年也水命生人墓在辰戌丑未而辰爲本家庫爲尤重。如丙子年生人即爲水命此重年也

納音可見子午卯酉不利于金火木土之命。辰戌丑未不利于水命。蓋午火克金子水克火酉金克木土能克水水土同宮於此可信。水土長生在申死

于卯。後人有陽生陰死陰生陽死之說謂癸長生在卯乙長生在午辛長生在子丁己長生在酉則子午卯酉有長生試問其乙丁己辛癸之沐浴在何支乎。故子午卯酉有長生之說是爲矯誣萬不可從。納音定壽元最爲可信。如癸亥年生人見丁己月其人必不壽。蓋癸亥納音爲水丁己納音爲土又癸與丁衝亥與巳衝更爲不利。若又見亥庶可解救。

行運有以化氣定之者

消息賦注云。陶隱居歌曰。甲巳五年乙庚四。丙辛三歲丁壬二。戊癸須從一歲推。又有納音行運氣相生福德相克凶。五行恭順皆如意。金人遇金犯凶禍。木人見木營求遂。水人值水主動搖。運氣順逆須還記。假令癸酉男命三月生。三月建丙辰。便從丙辰起三歲。丁巳土二歲。此五年納音是土。別無刑克。戊午住一年。己未住五年。此六年納音火。金遇火凶。庚申上四年。辛酉三年。此七年納音是木。自十二至十八。主營求稱遂。餘仿此。

按此法甚有理。信從之更爲靈驗。然推算頗嫌繁重。若評一命。非數日不能得之矣。然星命家不可不知化氣納音。甚爲扼重也。

行運有以納音定之者

消息賦注云。便將生月用爲身。却以納音回作命。身衰克命短天年。命往克

身長壽命。假令戊辰陽命男在二月生五歲起運順行五十六運至壬戌納音水水生戊辰本又三月天月德俱在壬。寄在戌上。故曰寄生歸寄。

古法重祿馬財三項并重納音

消息賦注云。如癸酉生壬戌月丁亥日庚子時（其式如左）

癸酉	納音金命
壬戌	水
丁亥	驛馬土
庚子	祿土

月日時中納音水土。陰生命。二辰會于祿馬與攀鞍之上。斯命也必致身於貴顯。玉井奧訣云。歲駕祿馬帶財官。英雄超邁。歲駕生年也。此說極驗。

按觀此則祿馬與納音並重。非如子平之以財官爲祿馬。若子平以財官爲祿馬。矯誣之說。萬不可從。注又云。如乙酉生丁亥月己卯日丁亥時。

乙酉	水命
丁亥	馬土
己卯	祿土
丁亥	土

亥月雖乘水馬。遇丁亥土克之為鬼。卯日雖坐天祿。（卯為乙年之祿。故名天祿。）以水土俱死於卯。而遇身鬼。衝破本命。所謂祿馬反以為災矣。若祿馬既失。必得身財為資。如水以火為財。自絕於亥。（按乙酉水命也。）生月日時。皆臨三財死絕之地。此五行之窮數也。雖有祿馬身財。盡為鬼物所奪。縱使得運。以數之終窮休敗。飄蕩無歸。

注又云。假令癸亥生人得乙巳歲。遇祿水土。雖絕於巳。而以水人克火為財。火旺於巳。發已上乘馬。雖已亥相衝。而以身旺之財。不為災咎。

行運忌沐浴

消息賦注云。如納音沐浴。大運逢之者。災。水土人運在酉。如丙子納音水。庚午納音土。水土長生在申。且

木人運在子。如戊辰納音木。木長生在亥。子為沐浴。火人運在卯。如丙寅納音火。火長生在寅。卯沐浴。金人運在子。如乙丑納音金。金長生在子。子為沐浴。

音金長生在巳。午為沐浴。蓋沐浴之對宮為死。五行重本宮。尤重對宮。一受對宮之氣。不能作吉。故名沐浴為敗地。

此指生年納音而論。沐浴已為可忌。如申子辰年生人。行酉運。壬癸年生人。行酉運。壬癸日生人。行酉運。皆為沐浴。俱不利。刑克破耗。必不能免。百試百驗。

太歲太陽喪門勾神官符元辰歲破龍德飛廉天德吊客病符俱指年支。可據消息賦注玉井奧訣注以證之。

吉凶神煞。都由命宮以求之者。此非古法也。果老星宗圖。以生年納音為主。畫一圓圖。其神煞實根於生年支定之。本於古法。可以信從。古法之可據者。有如玉井奧訣消息賦注。學者將此二書證之。並可知年支之宜重矣。

冠帶有沐浴餘氣有臨官進氣

三命通會女命忌見冠帶。無他。冠帶有沐浴餘氣也。金命冠帶在未。木命冠帶在丑。火命冠帶在辰。但冠帶亦有足取者。其臨官之進氣。亦伏於其中也。所謂年雖逢於冠帶。猶有餘災。誠可信也。亦名祿庫。消息賦注云。祿前一辰日陽刃。如甲見卯是也祿後一辰日祿庫。如甲見丑是也四十歲以後。行冠帶運必不利。若不見衝。更為可慮。

流年忌見孤辰寡宿

消息賦注。假令寅卯辰年生人。遇太歲在己。太歲即所行之流年也至如寅人勾絞。卯人喪弔。辰人謂之控神煞。辰人較寅卯生人爲重。即孤辰主阻礙。亦太歲不可在寡宿之上。如寅卯辰人遇太歲在丑。辰人勾絞。卯人喪弔。謂之窺神煞。寅見丑即寡宿主陷害。觀此可知年支之宜重矣。今之子平家不知也。凡女命更忌見神煞。如見刑沖。則晦災可減。

行運忌墓鬼遇喪門

消息賦注。墓在鬼中。乃五行墓中遇鬼。如金畏己丑火。如甲子乙丑納音金。是年生人即金命。金庫於丑。己丑本庫見納音相克。木防乙未金。如戊辰己巳木。是年生人即爲木命。金庫于丑。乙未納音金。本庫見納音相克。水患丙辰土。土忌戊辰木。火忌壬辰水。命前二辰喪門。如辛亥年生人見己丑。丑爲亥年生人之喪門。行運見之。爲大不利。按觀此可知納音之宜重。年支之宜重也。余以此試之。百試百驗。始知古法之自有真也。

看命分類求之

消息賦注云。天元論貴。如甲子年生人。命宮人元論富。如甲子年生人。子爲人元亦名身鬼論壽。身即納音。如甲子年生人。納音天。天音金。是身宮鬼。即尅我也。

又云。如庚寅木克丙戌土。爲財。土旺在戌。身命二木至戌。是雖背身之庚金祿。背地。即背祿也。以其財命有氣。故不貧。又如甲辰生人得丙寅火。以金爲財。絕在

寅辰土見寅爲命鬼。兼遇空亡。財絕命衰。雖月建坐祿。財命無氣。故不富。按財命當從納音求之。今人置納音不講。失之陋矣。

按財命論貧富。身鬼論壽夭。俱不重日干。以此試之。較日干爲可信。年干重化氣。如甲年當作土看。丙年當作水看。乙年當作金看。壬年當作木看。戊年當作火看。癸年當作火看。丁年當作木看。辛年當作水看。庚己不變。若見合於月支。則祖業必厚。見合於他處。必富貴。年支忌刑。而衝則次之。生年納音忌見克。克若有救。則不忌矣。克而又見亡神。劫煞。梟神七殺。更爲不利。

養地卽祿堂

金養于辰。卽長生之後一位名爲養火養于丑。水土養于未。木養于戌。古法名爲祿堂。甚爲可貴。消息賦注云。甲祿寅。寅爲顯見之祿。遁至甲戌。戌爲甲之祿堂。此所謂不見之祿。

按養得長生之氣。較長生爲可貴。蓋長生俱有梟神。梟神爲星命之大忌。故古法取養地爲祿堂。試之甚驗。

行運喜官流年喜財

玉井奧訣云。蜚黃騰達。運開一路官星。豹變興隆。年統平生財氣。官星於化氣有生助之力。故行運最喜見之。行運由本生月建而出。生助則其力厚。流年由本生四柱所共值。非財則流年無可喜之事。惟陰干則正財無可取。非偏財不得力也。陰干正財。於化氣爲見克也。如乙之正財爲戊。戊癸火克乙庚金。克則見忌矣。此財之不能不分陰陽干以求之。

時干爲古法所重

玉井奧訣云。時干化象。情合行當領用。可見時干之宜重矣。人至四十歲以後。時干宜行旺地。行絕地則必厄矣。又忌行七殺之地。此則歷試歷驗。古法

之有所謂朝元者。卽時干對於年支。大忌見殺見刃也。

三命通會云。如寅午戌年生人。見丙日時。亥卯未年生人。見甲日時。申子辰年生人。見壬日時。己酉丑年生人。見庚日時。名旌德煞。得之必貴。是卽地支朝元得旺相之氣。

胎神爲白虎煞

水土生人胎在午。金生人胎在卯。火生人胎在子。木生人胎在酉。卽長生後二位。如申子辰年生人。支係水命。忌見午字。此爲胎神白虎。若克竊日主並用神。主血光橫死。胎神必爲陽刃對宮。實卽飛刃也。刃爲凶煞。飛刃亦然。女命尤忌。古法重化氣。化氣忌淺。洩古法名之爲竊。其害等於克。

古法重化氣納音。胎爲飛刃。飛刃爲凶煞。能衝出對宮之刃也。若日主再克竊生年。必無幸矣。

四柱多寅申巳亥宜見長生否則大忌

玉井奧訣注云。寅申巳亥。無長生則凶。無長生則爲病衰死絕。衰病絕死則大忌矣。且劫煞均在寅申巳亥。惟長生足以解之。無長生則其禍等于七殺。假如地支見寅申巳亥。或三刑。若申宮庚辛。或壬癸。寅宮甲乙。或丙丁。己宮丙丁。或庚辛。亥宮壬癸。或甲乙。一臨生旺之地。便爲貴格。不必拘三刑之說矣。此皆歷試歷驗之說也。

劫煞寡宿宜見祿貴

申子辰年生人。劫煞在己。寅午戌年生人。其劫煞在亥。亥卯未年生人。劫煞在申。己酉丑年生人。劫煞在寅。如寡宿。若亥卯未年生人在戌。寅午戌年生人在丑。己酉丑年生人在辰。申子辰年生人在未。若見長生貴人及祿。卽爲福氣。此可信也。如身旺宮中逢劫煞。勇冠三軍。此仍在身旺也。納音卽身宮。

凡凶煞一位不必忌。若二位三位四位。則大忌矣。若克年干則大忌。如劫殺在寅。其年干爲己。寅木克土則忌矣。

凡生年納音爲身宮。身宮宜旺。如甲子年金命。坐申酉月爲旺。

交互拱夾古法所重

玉井奧訣云。交互有意。要審扶持。拱夾雖真。當防損露。交互如丙午見壬子。乙亥見辛巳等。拱夾如乙酉生人見癸未。乙酉。癸未。中藏甲申二字。申爲乙之貴人。交互則氣可往來。往來則氣有藏蓄。此法古所重。今人多不知也。若丙午見壬子。乙亥見辛巳。庚申見甲寅。甲申見庚寅。不明交互。必以爲天尅地衝矣。知交互得生旺祿之處。則可許爲富貴。其驗如神。此子平家所未知也。

辰戌丑未在衰地名爲關煞

明通賦注云。甲見辰。壬見丑。庚見戌。丙見未。爲陽數極。又爲鐵蛇關。陰干如乙見辰。癸見丑。辛見戌。丁見未。爲陰關。稍輕。按此卽帝旺之前一位。爲衰地。小兒四柱犯之。流年又犯。運行休囚之地。主死。惟有印則化。有食則制。有刃則合。可以解救。

按衰地惟五旬外交運見之。反爲可取。蓋壯年忌衰。老年喜衰也。

戊寅作長生之誤相沿已久。試以化氣證之

古法水土同宮。壬癸長生在申。戊己之長生亦在申。今之卜筮家。尙守此說。獨子平淵海等書。謂火土同宮。戊長生在寅。此大誤也。但以化氣證之。戊有火氣。蓋戊癸爲化火。火之長生在寅。有如壬癸之見寅。雖爲病地。以化氣證之。壬有木氣。木祿于寅。癸有火氣。火長生在寅也。四言獨步云。戊寅日主。何

愁殺旺。露火成名。水來飄蕩。戊癸化火。寅宮甲木。足以生之。

雜格中如歸祿朝陽二格可取

如戊日庚申爲歸祿格。其實卽財臨旺地。戊之化氣爲火。見庚爲財。庚見申日旺地也。辛日戊子爲朝陽格。其實亦財臨旺地。辛之化氣爲水。子卽癸水。戊子卽與戊癸同。水見火爲財。戊旺于子。卽旺地也。此二格可取也。餘如子日子時。名子遙己。辛癸兩日見丑。名丑遙巳。累牘連篇。無非曲說。試之亦百不一驗。皆在可刪之列。

如飛天祿馬。爲庚子辛亥癸亥等日。如亥子多。可冲出對官巳午。如丙午丁巳兩日巳午多。可冲出對宮亥子。名爲倒衝祿。與飛天祿馬相同。此尙有理。如井欄格。謂庚見申子辰。忌見丙丁巳午。此則不可信矣。庚爲頑金。不見火必無一用。余歷試多人。均無一驗。若見丙丁火。尙有富貴。不見者直寒貧矣。

如癸日寅時。名刑合得祿。甲日見卯多。乙日見申多。戊日見酉多。己日見申多。名冲合祿馬。又如癸卯癸酉甲午三日。名破官。又如庚申辛酉丙午丁未壬子癸丑等日。名破財。辛卯癸卯辛未癸未等日。名卯未遙巳。辛癸見丑寅日。名虎牛奔己。辛未癸未二日。名羊擊猪蛇。則皆爲曲說。徒淆惑人意而已。三命通會雜格。與蘭台篇雜格。不下數百格。實則三命通會所收。可取者頗多。可刪者亦不少。由作者萬氏。尙守子平學說。不如蘭台篇之純爲古法。可信從也。

孤辰寡宿喪門弔客皆衝破本局故忌之

亥卯未年生人。孤辰在申。(卽未之前一位)寡宿在戌。(卽未之後一位)申子辰年生人。孤辰在巳。寡宿在未。己酉丑年生人。孤辰在寅。寡宿在辰。寅午戌年生人。孤辰在亥。寡宿在丑。此卽方破局也。如亥卯未見申戌。亥卯未木

局也申酉戌金方也。金方破木局矣。故忌之。餘例推。

子年生人喪門在寅。弔客在戌。即寅午戌破申子辰也。丑年生人喪門在卯。弔客在亥。即亥卯未破己酉丑也。餘例推。故忌之。消息賦所最忌也。

凡孤寡亡劫。雙見均爲凶煞。惟貴人長生與祿足以解之。天月二德見之反爲吉利。但最忌者尅年干。一尅年干。眞爲凶煞。歷試歷驗。若神峯謂不足信。其矯誣甚矣。

古人年支重局。如申年生人。辰年生人。即以水論。破局必不利。故有孤寡亡劫諸煞。

* 看子息重在時

凡看子息須看其生時。如時坐長生帝旺臨官。子息必多。衰病死墓必少。若再見魁罡與華蓋孤寡亡劫梟神七殺。干頭見刃。則必絕矣。

陽干見殺得刃而合陰干見殺得傷官而合

如丙年生人。見壬爲殺。見丁爲刃。則丁壬合而化木。癸年生人。見己爲殺。見甲爲傷官。則甲己合而化土。故陽干見殺宜見刃。陰干見殺宜見傷官。得之者即爲貴格。

凡年干見殺刃。其力大於日上。見殺刃。日上見殺刃多者。子平家有棄命從殺之說。若年上看之。則不必棄命矣。子平家棄命從殺。棄命從財。皆曲說也。何不取年上而一看之。甚矣子平之陋也。

有病方爲貴。無傷不是奇。

如刃爲病。得殺以藥之。梟爲病。得財以藥之。傷官爲病。得財以藥之。是也得藥反爲貴格。所謂馬者申子辰馬在寅。是對衝之物也。衝則必傷。然得祿則反爲貴格。貴人不在旺相之地。所處類多衰病死者。似傷矣。一見天月二德。

之旺相。卽爲貴格。不但貴。反爲奇矣。妙在格中如去病。福祿自天垂。去病莫如化合。如甲年見丁壬。丙年見甲巳。見之反爲富貴也。

化氣忌妬

如甲巳合。忌乙妬。乙庚合。忌辛妬。丙辛合。忌丁妬。丁壬合。忌癸妬。戊癸合。忌巳妬。其故何也。蓋甲爲夫。巳爲妻。一夫二妻。則妻必妬矣。不然。何以甲巳合。不忌戊。乙庚合。不忌甲。丙辛合。不忌庚。丁壬合。不忌丙。戊癸合。不忌壬乎。故柱中有妬者。去其妬。則不爲忌矣。但行運則凡衝化氣者。仍爲大忌。如甲巳合。見戊。戊癸合。見壬。乙庚合。見甲。丙辛合。見庚。丁壬合。見丙。行運則大忌見之也。如一乙見二甲。如一甲見二巳。一丙見二辛。一辛見二丙。名雙鴛合。不作妬論。

化氣

以年遁月。如甲巳之年。丙作首。以日遁時。如甲巳。還加甲。其必用甲巳。何也。甲巳化土。同宮也。惟同宮。可以統領地支。內經爲談五行之最古者。如甲年不作木。而作土。乙年不作木。而作金。皆本化氣以立說。後人談祿命者。鑒于化氣之宜重。人命。中不皆有化氣之合成。爰定爲財官印諸項名目。所以便于鑒別也。茲撰一干之歌訣。餘可類推而得之。

化氣之說。本諸內經。其源最古。超于子平。卽如甲木。化氣須顧。本質爲木。化氣爲土。喜見丙辛。主克容身。辛爲正官。丙爲食神。喜見戊癸。生我得蔭。戊爲偏財。癸爲正印。忌見丁壬。克主之身。丁爲傷官。壬爲梟神。忌見乙庚。洩氣不完。乙爲陽刃。庚爲偏官。化氣一明。格局可定。謂予不信。證十團錦。

玉井奧旨云。平生福德。莫如化物連綿。注云。巳土生乙金。乙金生辛水。辛水生丁木。連綿不絕。可知化氣之宜重矣。

三命通會謂化氣分晝夜。如甲晝生用木。夜生用土。戊人見甲。晝生爲鬼。夜生爲官。此曲說也。化氣莫古於內經。內經本文及王冰注。均未有晝夜分定之說。爲此說者必好奇立異。如陰生陽死。陽死陰生之說。殆唐以後俗儒倡之歟。

化氣有交互見之者格爲可貴

凡命取化氣往來。如辛亥金命。見丁己土。有丁壬合。丙辛合。丁己土命。見癸亥水。有戊癸合。丁壬合。如戊戌癸亥。丁巳辛亥。乃宰相命也。戊午火命。得壬子木。中有丁壬木。戊癸火。丙申火命。得乙酉水。中有丙辛水。乙庚金。庚寅木命。得巳卯土。中有甲巳土。乙庚金。如庚寅巳卯。庚寅巳卯。交互全乃兩府命也。此可信從。

納音定壽元

妙吉祥

金人沐浴火木胎。土死水墓四季推。如甲子乙丑金。見午沐浴。丙寅丁卯火。見子爲胎。庚午辛未土。見子爲死。丙子丁丑水。見辰爲墓。見之必厄。凡火命。金命人忌見丑運。木命人忌見巳運。水命人忌見酉運。犯忌必促壽元。

凡四大空亡。如甲子甲午旬命。無水。甲申甲寅旬。無金。凡值其日而生者主夭折。

五行入垣

如水命人見壬辰。土命人見丙辰。火命人見甲戌。金命人見乙丑。木命人見癸未。是爲本庫。名爲五行入垣。蘭台篇云。得之者官居五府。

二德昇天

乙丙丁年生人。見天月二德。或二德見乙丙丁全。俱爲昇天。